

Вечером 26 ноября

Изменяемое №1

На Господи воззвах:

*Стѹх:* Изведи из темницы душу мою, исповедатися имени Твоему.

*Стѹх:* Мене ждут праведницы, дондеже воздаси мне.

*Стѹх:* Из глубины воззвах к Тебе, Господи, Господи, услыши глас мой.

*Стѹх:* Да будут уши Твои внимлюще гласу моления моего.

*Стѹх:* Аще беззакония назириши, Господи, Господи, кто постоит; яко у Тебе очищение есть.

*Стѹх:* Имене ради Твоего потерпех Тя, Господи, потерпел душа моя в слово Твое, упова душа моя на Господа.

*Стѹх:* От стражи утренния до ночи, от стражи утренния, да уповает Израиль на Господа.

**Глас 6.** Деяние убо восхождение истинного видения,/ видение же конец Боголюбиваго деяния, блаженне, положив,/ Христа молил еси/ Отчую славу показати тебе неизреченную,/ ибо желает всякое словесное естество славне, Бога составльшаго,/ и желаемого получил еси,/ того абие приемь печать Сына:/ Егоже со дерзновением моли о душах наших.

*Стѹх:* Яко у Господа милость, и многое у Него избавление, и Той избавит Израиля от всех беззаконий его.

Деяние убо восхождение истинного видения,/ видение же конец Боголюбиваго деяния, блаженне, положив,/ Христа молил еси/ Отчую славу показати тебе неизреченную,/ ибо желает всякое словесное естество славне, Бога составльшаго,/ и желаемого получил еси,/ того абие приемь печать Сына:/ Егоже со дерзновением моли о душах наших.

*Стѹх:* Хвалите Господа вси языцы, похвалите Его вси людие.

Божественными восхождении всегда научаемь,/ яко Моисей первее, Бога видети возжелел еси/ и мысленно видел еси Того образ,/ приемь к подобию,/ Отца бо скорое уведение Сын и

указание, / Сына же и Родителя Единого Существо знает, / и от всех тождество возносится честно, / и Царство, и сила, слава, и поклонение.

*Стіх:* Яко утвердися милость Его на нас, и истина Господня пребывает во век.

Орган, бряцая Божественными вдохновеньями / и сказания Святого Духа, был еси / и, премирное песнопоя в мире Спасово Евангелие / огненным языком твоим, / всю бо лествь попалил еси, / яко вещь удобосожигаему / и яко траву земную увядаему: / сущаго же над всеми Владыку и Господа Христа / вселенней проповедал еси, / Филиппе Боговидче.

*Слава, глас 6:* Великаго, Филиппе, Света блистания разжегся, / всемирный возсиял еси светильник, / Отца же Светов, / в Сыне разыскав, обрел еси: / во свете бо свет обретается. / Ибо той печать равнообразна, / являя началообразное. / Егоже, апостоле, моли / запечатствованною Божественною спастися Кровию.

*И ныне, Богородичен:* Кто Тебе не ублажит, Пресвятая Дево; / кто ли не воспоет Твоего Пречистаго Рождества; / безлетно бо от Отца возсиявый Сын Единородный, / Тойже от Тебе, Чистыя, пройдет, / неизреченно воплощься, / естеством Бог Сый, / и естеством быв Человек нас ради; / не во двою лицу разделяемый, / но во двою естеству / неслитно познаваемый. / Того моли, Чистая Всеблаженная, / помиловатися душам нашим.

*<далее см. основной Чин>*

*[Изменяемое №2](#)*

[Прокимен после «Свете тихий»:](#) *См. Прокимен дня <далее см. основной Чин>*

*[Изменяемое №3](#)*

[Паримии:](#)

*Соборнаго послания Петрова чтение (зачало 58):*

Петр, апостол Иисус Христов, / избранным пришельцем разсеяния, / Понта, Галатии, Каппадокии, Азии и Вифинии, / по прозрению Бога Отца во святину Духа, / в послушание и кропление Крове Иисус Христовы, / благодать вам и мир да умножится. / Благословен Бог и Отец Господа нашего Иисус Христа, / Иже по мнозей Своей милости породей нас во упование живо / воскресением Иисус Христовым от мертвых, / в наследие нетленно, и нескверно, и неувядаемо, /

соблюдено на Небесех вас ради,/ иже силою Божиею соблюдени верою/ во спасение готовое явится во время последнее./ О немже радуйтесь,/ мало ныне, аще лепо есть, прискорбни бывше в различных напастех,/ да искушение вашей веры, многочиснейше злата гибнуща,/ огнем же искушена,/ обрящется в похвалу и честь и славу, во откровении Иисус Христове./ Егоже не видевше, любите,/ и на Негоже ныне не зряще, верующе же,/ радуетесь радостью неизглаголанною и прославленною,/ приемлюще кончину вере вашей спасение душам./ О немже спасении зыскаша и испыташа пророцы,/ иже о вашей благодати прорекша, испытаяще,/ в каковом или в кое время являше в них Дух Христов,/ прежде свидетельствуя о Христовех страстех и яже по сих славах,/ имже открыся, яко не им самем,/ но нам служяху сия, яже ныне возвестися вам,/ благовествовавшими вам Духом Святым, посланным с Небес,/ в няже желают Ангели приникнути./ Темже, возлюбленнии,/ препоясавше чресла помышления вашего, трезвящися,/ совершенно уповайте на приносимую вам благодать откровением Иисус Христовым./ Яко чада послушания, не преобразующеся первыми неведения вашего похотении,/ но по звавшему вы Святому, и сами святы во всем житии будите./ Зане писано есть:/ святы будите, яко Аз Свят есмь./ И аще Отца называете, нелицемерно судяща комуждо по делу,/ со страхом жития вашего время жительствуйте,/ ведяще, яко не истленным серебром, или златом/ избавистесь от суетнаго вашего жития, отцы преданнаго,/ но честною Кровию яко Агнца Непорочна и Пречиста Христа,/ предуведена убо прежде сложения мира,/ явльшася же в последняя лета вас ради./ Иже Его ради веровавших в Бога,/ воздвигшаго Его из мертвых и славу Ему давши,/ яко да вера ваша и упование будет на Бога./ Души ваша очистивше в послушание истины духом,/ в братолюбие нелицемерно, от чиста сердца друг друга любите прилежно,/ порождени не от семени истленна, но неистленна,/ словом Живаго Бога и пребывающа во веки./ Зане всяка плоть, яко трава,/ и всяка слава человека, яко цвет травный./ Изше трава и цвет ея отпаде,/ глагол же Господень пребывает во веки,/ се же есть глагол

**благовествованный в вас./ Отложше убо всяку злобу, и всяку лесть,/ и лицемерие, и зависть, и вся клеветы,/ яко новорождени младенцы, словесное и нелестное млеко возлюбите,/ яко да о нем возрастете во спасение,/ понеже вкусите, яко благ Господь./ К Немуже приходяще, Каменю Живу,/ от человек убо унижену,/ от Бога же избранну, честну,/ и сами яко камение живо,/ зиждитесь в храм духовен, святительство свято,/ возносити жертвы духовны, благоприятны Богу Иисус Христом./ Зане писано есть в Писании:/ се полагаю в Сионе Камень Краеуголен, избран, честен,/ и веруяй в Онь не постыдится.**

*Соборнаго послания Петра чтение (зачало 59):*

**Возлюбленнии,/ Христос пострадал за нас,/ нам оставль образ, да последуем стопам Его./ Иже греха не сотвори,/ ни обретесе лесть во устех Его,/ Иже укаряемь противу не укаряше,/ страдал, не прещаше,/ предавше же судящему праведно./ Иже грехи наша сам вознес на теле Своем на Древо,/ да, от грех избывше, правдою поживем,/ Егоже язвою исцелесте./ Бесте бо, яко овцы заблудшия, не имущи пастыря,/ но возвратитесь ныне к Пастырю и Посетителю душ ваших./ Такожде же и жены повинующеся своим мужем,/ да и аще нецыи не повинуются слову,/ женским житием без слова пленены будут,/ видевше еже со страхом чисто житие ваше./ Имже да есть не внешняя плетения влас,/ и обложения злата, или одеяния риз лепота,/ но потаенный сердца человек,/ в неистлении короткого и молчаливаго духа,/ еже есть пред Богом многоценно./ Тако бо иногда и святые жены, уповающия на Бога,/ украшаху себе, повинующеся своим мужем:/ якоже Сарра послушаше Авраама, господина того зовуща,/ еже бысте чада, благотворяще и не боящися ни единого страха./ Мужие, такожде вкупе живуща с своими женами по разуму,/ яко немощнейшу сосуду, женскому воздающе честь,/ яко и наследницы благодатныя жизни,/ во еже не прекращатися молитвам вашим./ Конец же – вси единомудрени будите,/ милостиви, братолюбцы, милосердни,/ благоутробни,/ мудролюбцы, смиренномудри,/ не воздающе зла за зло или досаждения за**

досаждѣние,/ супротивное же благословяще,/ ведяще, яко на се звани бѣисте,/ да благословѣние наследите.

*Соборнаго посланія Петрава чтѣние (зачало 61):*

Возлюбленнии,/ Христу пострадавшу за ны плотию,/ и вы в ту же мысль вооружитесь,/ зане пострадавый плотию преста от греха./ Во еже не ктому в человеческия похоти,/ но в волю Божию прочее во плоти жити время./ Довлет бо вам мимошедшее время жития,/ волю языческую творившим,/ хождшим в нечистотах, в похотех, в скотоложстве,/ в помыслех, в пьянстве, в козлогласованиих,/ в лихоимании, и богомерзских идолослужениих./ О немже дивятся,/ не сходящимся вам в то же блуда разливание, хуляще:/ иже воздадут слово готову Сущему судити живым и мертвым./ На се бо и мертвым благовестися,/ да Суд убо примут по человеку плотию,/ поживут же по Бозе Духом./ Всем же кончина приближися,/ уцеломудритесь убо и трезвитесь в молитвах./ Прежде же всех друг ко другу любовь прилежну имейте,/ зане любовь покрывает множество грехов./ Страннолюбцы друг ко другу без роптаний./ Кийждо якоже прият дарование,/ между себе сим служаще,/ яко добрии строителие различныя благодати Божия./ Аще кто глаголет, яко словеса Божия,/ аще кто служит, яко от крепости, юже подает Бог,/ да о всем славится Бог Иисус Христом,/ Емуже есть слава и держава во веки веков, аминь.

*<далее см. основной Чин>*

*Изменяемое №4*

**Лития глас 4:**

Тростию благодати/ от глубины суетства человеки извлекл еси, досточудне,/ Учителя манием повинувся, Филиппе,/ просвещшаго по всему твое разумение,/ и апостола, и честна Богоглагольника,/ тя, всеблаженне, показавша,/ Того непостижимаго Божества.

Духа сияние на тя сниде во огненне виде/ и тя, блаженне, Божественное приятелище содела,/ скоро отгоняща безбожия мглу/ и мир просвещающа сиянием всемудрых твоих словес,/ тайноглагольниче, апостолов украшение,/ Христов самовидче блаженне.

Мóлнїями проповѣданїя/ во тьме седящїя невѣденїя, слáвнѣ,  
просветїв,/ показáл есї сыны Владыки и Бóга вѣры рáди./ Егóже  
страстѣм ревновáл есї и смѣрти/ и слáвы был есї наслѣдник,/ я́ко  
мудр и Богоглагóлив,/ я́ко ученїк ѣстины.

*Слáва, глас 2:* Остáвив земнáя, послѣдовал есї Христú,/ и  
знáменовся дохновѣнием Святáго Дúха,/ пóслан быв от Него́ в язýки  
погѣбшїя/ обрацáти челове́ки во свет Богознáния,/ апóстоле  
Филїппе,/ и, скончáв пóдвиги Божѣственныя твоея́ страсти/ и мук  
разлїчных,/ дúшу твою́ Христú прѣдал есї./ Тогó моли́,  
всеблаженне,/ даровáти нам вѣлию мїлость.

*И ны́не, Богородичен:* Все уповáние моѣ́/ на Тя возлагáю, Мáти Бóжїя,/  
сохрани́ мя под крóвом Твоим.

*<далее см. основной Чин>*

*Изменяемое №5*

По полиелѣи седáлен глас 8:

Їдольскую лесть низложїл есї,/ Спáсовы страсти возжелѣв,  
Филїппе слáвнѣ,/ явїлся есї мїру, Небѣсная всем источáя чудесá/ и  
язýков быв, всеблаженне, апóстол./ Тем твою́ пáмьть достóйно  
чтим, песнослóвяще:/ Госпóдень апóстоле,/ моли́ Христá Бóга грехóв  
оставлѣние даровáти/ прáзднующим любóвию святúю пáмьть твою́.

*Слáва, и ны́не, Богородичен:* В напáсти многоплетѣнныя впад от враг  
вїдимых и невїдимых,/ бурею одержїмь безчїсленных согрешѣний  
моїх,/ и, я́ко к тѣплому заступлѣнию и покрóву моему́, Чїстая,/ ко  
пристáнищу притекáю Твоея́ блáгости./ Тѣмже, Пречїстая,/ из Тебѣ  
Воплощѣнному безсѣменно моли́ся прилѣжно о всех рабѣх Твоїх,/  
непрестáнно молящїхтися, Богородице Пречїстая,/ молящї Егó  
прїсно согрешѣний оставлѣние даровáти/ воспевáющим достóйно  
слáву Твою́.

*<далее см. основной Чин>*

*Изменяемое №6*

Степѣнна, 1-й антифóн 4-го глáса.

Прокїмен глас 4: Во всю зѣмлю изы́де вещáние их, / и в концý  
вселѣнныя глагóлы их. *Стїх:* Небесá повѣдают слáву Бóжїю,  
творѣние же руку́ Егó возвещáет твердь.

*<далее см. основной Чин>*

По 50-м псалмѣ стихіра *глас 6:*

Премудрый лóвче, святы́й учениче́,/ дѣлателью Спа́сов и сказа́телю  
Того́ страсте́й,/ иже тварь ве́рою обте́к/ и прельще́нныя язы́ки  
собра́в и Бо́гу приве́д,/ яко кади́ло до́брое, на Небеса́ возведёся./  
Те́мже, предсто́я Судий́,/ моли́ изба́виться нам от беззако́ний на́ших/  
и в День Су́дный изба́виться муче́ния.

*<далее см. основной Чин>*

Кано́н апо́стола Фили́ппа *глас 6.*

*Песнь 1*

*Ирмо́с:* Яко по су́ху, пешешествовав Изра́иль/ по бездне стопáми,/ гонителя  
фарао́на/ ви́дя потопля́ема,/ Бо́гу побѣдную́ песнь по́йм, вопия́ше.

Пресвѣтлыми лучáми Христо́вы Божѣственныя свѣтлости  
наслажда́ясь я́сно,/ Богопроповѣднице Фили́ппе,/ тво́ими по  
прича́стию заря́ми нас просвети́.

Отчую́ тебе́ сла́ву собо́ю показáвый, Фили́ппе,/ ли́ку ученико́в тя  
Христо́с вчини́,/ твою́ проведы́ добродѣтель, Богоблаже́нне.

Ны́не не в гадáниих зри́ши, ниже́ сѣнех,/ ниже́ зерцáлех, всему́дре,  
Исто́чника благі́х,/ желáний конѣчное, Христа́,/ но лицѣм зри́ши  
я́вственнó к лицу́.

*Богорóдичен:* Оскуде́вшим нача́льником от колѣна Иу́дова,  
Пречи́стая,/ Сын Твой и Бог пришѣд,/ вождь земли́ концѣм и́стинно  
ны́не воцарі́ся.

*Песнь 3*

*Ирмо́с:* Несть свят,/ якоже Ты, Го́споди Бо́же мой,/ вознесы́й рог ве́рных Твои́х,  
Бла́же,/ и утверди́вый нас на ка́мени/ исповѣдания Твоегó.

Ты, исполнен свѣта дѣятельнаго видѣния,/ Свѣту вели́кому, бѣвшу  
с нами, сподóбился еси́ Христу́ служити́,/ Фили́ппе Богоглаго́ливе.

Степѣнь догмáтов благочесті́вых твоѣ тайновóдствие  
благочесті́во я́вися,/ тем бо Сы́на позна́хом соестѣственна/ и  
соединѣнна суща Родителю́.

Свѣщникъ былъ еси златъ,/ сияя челоуѣкомъ присносущный свѣтъ/ и просвѣщающъ имъ вселенную яве познаниемъ,/ Филиппе всеизящнейше.

*Богородичен:* На Тя, Пресвятая Чистая, надеявся,/ да не отпаду Твоего чаяния,/ но, яко Мати милостивная челоуеколюбиваго Бога,/ сетей мя врага избави.

*Седален, глас 8:* Тученосен облакъ духовный истинно показался еси сущимъ на земли,/ напаяя, яко ниву, таинственно сердца наша;/ протекъ словомъ, напаяеши концы/ и дождь проливаеши мира отъ раки./ Темъ, дохнувъ невернымъ сердцамъ воню Духа,/ в нихже сокровиществовалъ еси, апостоле Филиппе,/ молися Христу Богу грехов оставление даровати/ празднующимъ любовь святую память твою.

*Слава:* Идольскую лествицу низложилъ еси,/ Спасовы страсти возжелевъ, Филиппе, славно,/ явился еси миру, Небесная всемъ источая чудеса/ и языковъ бывъ, всеблаженне, апостолъ./ Темъ твою память достойно чтимъ, песнословяще:/ Господень апостоле,/ моли Христа Бога грехов оставление даровати/ празднующимъ любовь святую память твою.

*И ныне, Богородичен:* В напасти многоплетенныя впад отъ врагъ видимыхъ и невидимыхъ,/ бурею одержимъ безчисленныхъ согрешений моихъ,/ и, яко къ теплomu заступлению и покрову моему, Чистая,/ ко пристанищу притекаю Твоя благодати./ Темже, Пречистая,/ из Тебѣ Воплощенному безсеменно молися прилежно о всехъ рабахъ Твоихъ,/ непрестанно молящихся, Богородице Пречистая,/ молящи Его присно согрешений оставление даровати/ воспевающимъ достойно славу Твою.

#### Песнь 4

*Ирмос:* Христосъ моя сила,/ Богъ и Господь,/ честная Церковь/ Боголепно поетъ, взывающе,/ отъ смысла чиста о Господе празднующи.

Солнца селение, Христа, сущаго Света,/ и храмъ показался еси вместителенъ Того свѣтлости,/ и Небо, славу Божию челоуекомъ повѣдая.

Во истлѣвшее страстьми челове́чество ты вложен, Божия соль, от Христа́,/ того́ изсуши́ гни́лость лю́тую,/ Боговещателю́ достосла́вне.

Си́лою, Фили́ппе, Христо́вою укрепля́емь,/ дѣмонскаго полка́ и злове́рных яви́лся еси́ си́льнши́й,/ су́щим на землі́ вопи́я жи́зни Божѣственны́я благовѣ́стие.

*Богорóдичен:* Приста́нище благоти́хое Христо́с яви́ ве́рою и любóвию Тя,/ и́стинную Влады́чицу Всенепоро́чную,/ от со́вести чи́стыя Богорóдицу проповѣ́дающим.

#### Песнь 5

*Ирмо́с:* Бóжиим свѣ́том Твои́м, Бла́же,/ у́тренующих Ти ду́ши любóвию озари́, молю́ся,/ Тя ве́дети, Сло́ве Бóжий,/ и́стиннаго Бóга,/ от мра́ка грехо́внаго взыва́юща.

Я́да душегуби́тельнаго вра́жия врачѣ́бными твои́ми длáньми, Богоглаго́ливе, изсуши́в,/ смертоно́сною глуби́ною держи́мая лю́тыя болѣ́зни избавля́я.

Огнедохнове́нен весь яви́лся еси́ Паракли́товым нашѣ́ствием и благода́тию, Фили́ппе,/ иззя́бшия безбо́жия зимóю, тепло́ю ве́ры оживотвори́л еси́.

Близ был еси́ Христа́,/ дае́мая ти зарí несре́дственно приѣ́мля,/ просвѣща́я к тебѣ́ притека́ющия/ и приводя́ тѣя Содо́телю Твоему́.

*Богорóдичен:* Сло́вом вся соде́тельствуюя/ и му́дрым Прóмыслом окормля́я еди́н, я́ко хо́щет Госпо́дь,/ за благоутрóбие зи́ждется из Тебѣ́/ и плоть несказа́нно, Пречи́стая, бывáет.

#### Песнь 6

*Ирмо́с:* Я́т бысть,/ но не удержи́ан в персе́х китовых Иóна:/ Твой бо о́браз нося́,/ страда́вшаго и погребѣ́нию да́вшагося,/ я́ко от черто́га, от зве́ря изы́де,/ приглаша́ше же кустóдии,/ храня́щии су́етная и ло́жная,/ ми́лость сию́ оста́вили естѣ́.

Одержáщу и губи́щую зря прѣ́лесть вра́жию челове́ческий род,/ Твоя́ стрѣ́лы, изощре́нныя апо́столы, напръ́г, испусти́л еси́/ и разве́рзл еси́ брѣ́нная уста́ зми́ева,/ всех от того́ вре́да и тли, Спа́се, исцеля́я.

Вы́шним сиянием блиста́я, яви́лся еси́,/ я́коже мо́лния, вселенней свети́,/ и я́ко го́ра, сла́дость иска́пающая,/ я́ко роса́ Божественная, с Небесе́ па́дающая,/ я́ко апо́стол избра́н, дванадесяточисленный полк исполня́я/ ученико́в Христо́вых, всеблаже́нне.

Научи́вся Твоей та́йны глубине́,/ Божественный учени́к, я́ко реку́ ми́ра, наводня́ющу сла́дости пото́к,/ я́ко потопля́ющую во́лну, сла́ву язы́ков, Тя пропове́да велегла́сно/ и Твое́ сла́вное истоща́ние, Бла́же,/ е́же о нас благовести́.

**Богородичен:** Умерщвля́емая и ги́бнущия вся сме́ртию челове́ки/ Ты, Христа́ ро́ждши – Нетле́нное Безсме́ртие,/ призва́ла еси́ к жи́зни ве́чней,/ и просвети́ла еси́ омраче́нныя, и свободи́ла еси́,/ разреши́вши у́зы отведе́ния на́шего, Всепе́тая.

**Конда́к, глас 8:** Учени́к, и друг Твой, и подража́тель стра́сти Твоей/ вселенней Бо́га Тя пропове́да Богоглаго́ливый Фили́пп;/ то́го моли́твами от враго́в пребеззако́нных/ Це́рковь Твою́ и всяк град Твой/ Богороди́цею соблюди́, Многоми́лостиве.

**И́кос:** Струю́ сло́ва пода́ждь ми, Го́споди,/ водно́е естество́ соде́явый,/ се́рдце моё укрепи́, Благоутро́бне,/ и́же зе́млю утверди́вый сло́вом Твои́м,/ и просвети́ моё помышле́ние,/ све́том, я́ко ри́зою, одева́йся,/ да глаго́лю и пою́ подоба́ющая/ и досто́йно восхва́лю Твоего́ уго́дника, Многоми́лостиве.

#### **Песнь 7**

**Ирмо́с:** О́троцы в Вавило́не/ пещнаго пла́мене не убо́яшася,/ но, посреде́ пла́мене вве́ржени, ороша́еми, пояху:/ благословен еси́, Го́споди, Бо́же оте́ц на́ших.

Я́ко свет, посла́лся еси́ стрелы́ подо́бием, апо́столе,/ светоза́рными блиста́нии просвещя́я ве́рою зову́щия:/ благословен еси́, Го́споди, Бо́же оте́ц на́ших.

Богаты́ми светолі́тии Божественнаго, блаже́нне, пропове́дания сия́я све́тло,/ во тьме су́щия песнопёти просвети́л еси́:/ благословен еси́, Го́споди, Бо́же оте́ц на́ших.

Витійская буеслóвия/ и словéсную всю лúтость крéпким слóвом вéры победíв, пел есі:/ благословén есі, Гóсподи, Бóже отéц нáших.

**Богорóдичен:** В естествах пресу́щественно, Дéво, двух/ родилá есі соединéнных, Чíстая, неслия́нно Христá, Емúже зовém:/ благословén есі, Гóсподи, Бóже отéц нáших.

#### **Песнь 8**

**Ирмóс:** За закóны отéческа/ блажéннии в Вавилóне юноши, предбédствующе,/ царю́ющего оплевáша повелéние безúмное/ и, совоку́плени úмже, не сварúшася огнém,/ Держáвствующему достóйную воспевáху песнь:/ Гóспода пóйте делá/ и превозносíte во вся вéки.

Свéта тя мíра совершí Отчь Свет, Сло́во Ипостáсное,/ избрáвый апóстола от мíра, треблажéнне,/ и, вооружíв Божéственнойю сíлою Своéю,/ послá, я́ко ору́жника непобедíма, вопиúща:/ Гóспода пóйте делá и превозносíte во вся вéки.

Сíлою Божéственнойю укрепляémь, апóстоле,/ протíвныя полкí победíл есі,/ свирéпое ополчéние тех разрушíв,/ мир бо неотъя́тний жрéбий взем,/ мíрное устроéние насадíл есі мíру,/ Гóспода воспевáйте делá, вопиá,/ и превозносíte во вся вéки.

Всéю любóвию прилепíлся есі воплощённому Сло́ву Бóжию, апóстоле,/ учени́к Тогó быв, и Бóжий слугá, и тайноглагóльник,/ отонúдуже от Него́ послан во язýки,/ проповéдал есі Егó пришéствие,/ Гóспода пóйте, вопиá,/ и превозносíte во вся вéки.

**Богорóдичен:** Весь соединíся пáче рáзума неизмéнно всемú чловéчеству/ Пребожéственный во утрóбе Твоéй, Всесвятáя Дéво./ Тémже во дву естествú знаéтся Христóс, едín сый обоé./ Емúже, поúще, вопиém:/ Гóспода пóйте делá/ и превозносíte во вся вéки.

**Пéснь Богорóдицы:** Вели́чит душá моя́ Гóспода: <см. основной Чин>

#### **Песнь 9**

**Ирмóс:** Бóга/ чловéком невозмóжно вúдети,/ на Него́же не смéют чúни А́нгельстии взирáти:/ Тобóю бо, Всечúстая, явúся чловéком/ Сло́во воплощённо,/ Егóже величáюще,/ с Небéсными вои/ Тя ублажáем.

Ны́не неизрече́нныя сла́вы и све́та невече́рняго сподо́бився,/ иде́же неизглаго́ланное есть весе́лие,/ иде́же ра́дость непреста́нная в Це́ркви перво́рожде́нных,/ иде́же пра́ведных селéния,/ за вся христи́аны моли́ся, Фили́ппе, всему́дре.

Укра́шен добро́тою у́мнаго благоле́пия/ и ца́рствия венце́м обложе́н, Богому́дре,/ и богаты́ми светода́янии, Фили́ппе, просвещáемь пресу́щественнаго Све́та сия́ньми,/ раду́ясь, Влады́ки твоего́ Престо́лу, блаже́нне, предсто́иши.

Со апо́столы все́ми честны́ми, и проро́ки, и страсоте́рпцы, Фили́ппе,/ преподо́бными, иерáрхи и пра́ведными,/ с Богоро́дицею моли́ разрешéние грехо́в мно́гих и прегрешéний да́ти очище́ние/ véрою светно́сную и Божéственную па́мьть соверша́ющим твою́.

*Богоро́дичен:* Воплоще́нно Сло́во, пре́жде безплóтно сущо́,/ Дéво Ма́ти, родила́ еси́./ Сего́ ра́ди Тя, господа́ственно Богоро́дицу, вси благоче́стно сла́вим,/ и́стиннейшее Тебе́ нарица́ние принося́ще, Чи́стая,/ Ты бо véрных спасéния ко́рень пребывáеши.

*<далее см. основной Чин>*

*Изменяемое №9*

Свети́лен:

Тече́ние кра́сных твои́х ног, Фили́ппе, возврати́в,/ к ше́ствию Небе́сному возше́л еси́, раду́ясь,/ и, Трои́це предста́в, во Отце́ ви́диши Сы́на и Ду́ха Божéственнаго./ Сего́ ра́ди véрою всесвяще́нную твою́ и Божéственную пра́зднуем па́мьть.

*Сла́ва, и ны́не, Богоро́дичен:* Стра́шнаго испытáния воспомина́ю час,/ мно́жество бо дел мои́х ужаса́ет и устраша́ет мя,/ но ущéдри, Пречи́стая, тёплою Твое́ю моли́твою/ и даждь ми спасéние:/ ели́ко бо хо́щеша, и твори́ши,/ я́ко Бо́га ро́ждши, благослове́нная Мари́е.

*<далее см. основной Чин>*

*Изменяемое №10*

На стихо́вне стихи́ры глас 1:

Небе́сных твои́х вещáний изглаше́ния/ на земли́, всеблаже́нне, разгласи́шася,/ и сию́ испо́лни догма́тов,/ и́миже Сы́на Отцу́ и Ду́ху/ Богосло́вяще, апо́столе, та́йно,/ Единосу́щна сла́вим.

*Стих:* Во всю зéмлю изы́де вещáние их/ и в конце́и вселéнныя глаго́лы их.

Яко светонóсца ты вси апóстолов Христóвых/ и свѣтлаго свѣтільника честнѣя Цѣркве,/ Филипѣ треблаженне, имѹще ныне,/ душáми просвещáемся/ и от бед злолю́тых избавля́емся/ моли́твами тво́ими, всехва́льне.

*Стих:* Небеса́ повѣдают сла́ву Бóжую,/ творѣние же руку́ Его́ возвещáет твердь.

Крестóм пóдвиг страдáния скончáвый,/ побѣды венцы́ одѣялся еси́, Филипѣ, достóйне;/ с нѣмиже, вшед в Гóрняя цáрствия,/ спредсто́иши, апóстоле, Христу́/ и мо́лишися спаст́ися нам.

*Сла́ва, глас 2:* Ча́ши аромáт/ в мѣре ланѣты тво́я, мѹдре, явѣшася,/ апóстоле Филипѣ,/ почерпáющия вѣрным пѣво житнотворное./ Де́яния бо в видѣния восхожде́ние имѣй,/ Христа́ послѣдователь и привѣтствователь был еси́,/ непло́дную и безча́дную язы́ков Цѣрковь украси́л еси́ поучѣньми,/ благочáдствующу в нем./ Ёйже и ныне моли́ изба́вители нужд и обстоя́ний,/ мо́жеши бо о Бóзе мнóго, приближа́яся Ему́.

*И ныне, Богорóдичен:* О чудесе новаго всех древних чудес! Кто бо позна Матерь, без мужа рождшую/ и на руку носящую всю тварь Содержащаго;/ Божие есть изволение Рождшееся./ Егоже яко Младенца Пречистая,/ Твоима рукама носившая,/ и матернее дерзновение к Нему имущая,/ не престай молящи о чтущих Тя,/ ущедрити и спасти души наша.

*<далее см. основной Чин>*

### Утром 27 ноября

Изменяемое №11

По 1-м стихослóвию седáльны глас 1:

Апóстоле Христóв, и самовѣдче,/ и мѹчениче, Филипѣ премѹдре,/ дрѹже Бóжий блаженне,/ ѣже вѣрою прáзднующия честнѹю твою́ пáмять/ свободѣ́ от обдержáщих прегрешѣний моли́твами тво́ими/ и Небѣсное насле́дие получи́ти сподóби.

*Сла́ва, и ныне, Богорóдичен:* *<далее см. основной Чин>*

Изменяемое №12

По 2-м стихослóвию седáльны глас 5:

Ученик Словесé, истины проповéдник,/ яко стрелá, послан был еси́, просвещáя сущия во тьме лютей, святе апóстоле,/ и безбóжия мглу отгоня́ от землй́,/ и вся благовéрующия сыны дне показáл еси́, Христóв видче, святе Филиппе.

*Слáва, и ныне, Богорóдичен: <далее см. основной Чин>*

*[Изменяемое №13](#)*

**[Тропáрь глас 3:](#)**

Благоукрашáется вселénная,/ Ефиóпия ликовствуёт,/ яко венцём красúема,/ тобою́ просветívшись,/ свéтло торжествúет пáмять твою́,/ Богоглагóливе Филиппе,/ вся бо вéровати Христú научíл еси́/ и течéние совершил́ достóйно Евáнгелия./ Тем дерзновénно варíт Ефиóпская рука́ к Бóгу,/ Егóже моли́ даровáти нам вéлию мíлость.

*<далее см. основной Чин>*

*[Изменяемое №14](#)*

**[На хвалíteх стихíры:](#)**

*Стíх: Сотворíти в них суд напíсан./ Слáва сия́ бúдет всем преподóбным Егó.*

*Стíх: Хвалíte Бóга во святýх Егó,/ хвалíte Егó во утвержéнии сíлы Егó.*

*Стíх: Хвалíte Егó на сíлах Егó,/ хвалíte Егó по мнóжеству велíчества Егó.*

**Глас 8. О, преслáвнаго чудесé!/ Ры́бы иногда́ ловяй апóстол,/ челове́ков ловец бысть Богопроизведénный,/ словéс мре́жею язýки улови́,/ крéста úдицею мир возвлечé./ О, какову́ ловítву Бóгу принесé Богодéлатель!/ Егóже пáмять ны́не прáзднуем.**

*Стíх: Хвалíte Егó во глáсе трúбнем,/ хвалíte Егó во псалтíри и гúслех.*

**О, преслáвнаго чудесé!/ От Бóга послан, посреде́ волкóв, яко овчá,/ небоязненно прохождáше апóстол Филипп,/ звéри áгнцы вéрою яви́,/ мир Божéственно прeстихийствова./ О, дел вéры! О, сил изящнейших!/ Егóже молítвами, Христé,/ спасí дýши нáша, яко едín Благоутрóбен.**

*Стíх: Хвалíte Егó в тимпáне и ли́це,/ хвалíte Егó во стру́нах и оргáне.*

**О, преслáвнаго чудесé!/ Кладязь, точáщий жизнь мýдростным черпáнием,/ сущим в мíре бысть апóстол Филипп./ От негóже струй́ догмáтов исхóдят,/ от нíхже чудéс быстрины́ пиём./ О, коли́ка соде́я стра́шная чудесá Богодéлатель!/ Егóже пáмять вéрою слáвим.**

*Стíх: Хвалíte Егó в кимвáлех доброгласных, хвалíte Егó в кимвáлех восклицáния./ Всякое дыхáние да хвáлит Гóспода.*

**Глас 2:** Небесная чаша явился еси мудрости,/ Духа бо показался еси обитель красная/ и изрек еси добродетелей истину,/ земныя уловив умною удицею мудрости Божия./ Тем молим тя, апостоле Филиппе,/ молись о душах наших.

**Слава, глас 3:** Рыб ловитву в человеку ловитву преложив,/ сущия во глубине прелести/ неводом извлек таинственным,/ Филиппе апостоле,/ весь мир уловил еси/ и учителю твоему, Христу, привел еси./ Тем молим тя:/ молись Ему непрестанно/ спасти души наша,/ верно творящих всечестную память твою.

*И ныне, Богородичен: <см. основной Чин>*

*[Изменяемое №15](#)*

**Кондак глас 8:**

Ученик, и друг Твой, и подражатель страсти Твоея,/ вселенней Бога Тя проповеда, Богоглаголивый Филипп;/ того молитвами от врагов пребеззаконных/ Церковь Твою и всяк град Твой/ Богородицею соблюди, Многомилостиве.

*<далее см. основной Чин>*

### На Литургии

*[Изменяемое №20](#)*

**Прокимен, глас 8:** Во всю землю изыде вещание их/ и в концы вселенныя глаголы их. **Стих:** Небеса поведают славу Божию, творение же руку его возвещает твердь.

*[Изменяемое №21](#)*

**Аллилуиа, глас 1:** Исповедят небеса чудеса Твоя Господи, ибо истину Твою в церкви святых. **Стих:** Бог прославляемь в совете святых.